

կան ընտղաւառին են վերաբերում եւ որոնց չաղկապող գլխաւոր օղակը, լիզում, այլ եւ ազգային ընդհանուր գիտակցութիւնը, մէկ է եւ ընդհանուր, բոլոր հայերի համար անխտիր, լինին նրանք Հայաստանում թէ Անդրկովկասի միւս մասերում եւ կամ Ռուսաստանում, անդամ արտասահմանում :

Այսպէս դատելով է նաեւ, որ մենք շարունակ եւ իրաւացիօրէն խարանում ենք հայ բոլշեւիկների ազգային քաղաքականութիւնը : Փոխանակ ջանալու, որ դէթ մշակութապէս արտասահմանի հայութիւնը կապուի մայր երկրի հետ, վերջինիս շարունակ վանում է իրենից, փոխանակ կենդրոնաձիգ ոյժ դառնալու եւ խրախուսելու նման տարրերը դուրսը, հակառակն է անում :

Կարճ՝ ազգային-մշակութային ինքնավարութեան պահանջը մեր ազգային քաղաքականութեան հիմնաքարերից մէկը պիտի կազմէ :

Հրաժարուիլ նրանից՝ նշանակում է հաշտուել այն մտքի հետ, որ Հայաստանից դուրս գտնուող հարիւր հազարաւոր ազգակիցներ վաղ թէ ուշ ուժանան իրենց հայրենի մարմնից, փոշիանան մեզ համար եւ պարար դառնան ուրիշների համար : Նման մտքի հետ հաշտուել չի կարող հայութիւնը : Աւելի հեշտ է հաշտուել մէկ, երկու գաւառի, քան հարիւր հազարաւոր ցեղակիցների վերջնական կորստեան մտքի հետ : Աւելի լաւ է հրաժարուիլ բացարձակ անկախութեան իրականացումից, բայց շարունակել հոգեկան-մշակութային կապը ազգի գանազան հատուածների միջեւ, քան՝ անկախութեան գաղափարին այնպիսի մեծար-

ժէք դին վճարել, որպիսին ազգի մեծաթիւ, կենդանի հատուածներն են :

Եւ սակայն դրանք իրար բացասող, ժրխտող մտքեր չեն երբեք : Բաւական է, որ Անդրկովկասի ժողովուրդները իրենց առաջնորդ ունենան անխտիր եւ հաւասարապէս բոլորի շահերը. հարկաւոր է, որ ազգային ինքնորոշման իրաւունքը չզրացուի Ղարաբաղի, Ջաւախքի հայութեան, այլ եւ ուրիշ ազգային հոգսմասերի. հարկաւոր է ճանաչել եւ կիրառել ազգային-մշակութային ինքնավարութիւնը, հէնց էսթոնիայից օրինակ առնելով. հարկաւոր է, ասում ենք, ընդհանուրի շահերը բարձր դասել մասնակի շահերից, եւ այդ ժամանակ ինքնին իրականացած կը լինի Անդրկովկասեան ժողովուրդները անխաղախ եղբայրութիւնը :

Կարճ՝ եւ խորհուրդները իրականացնել այդ, թէկուզ իրենց վարչաձեւի շրջանակում, նրա օրէնքների դործադրութեամբ, — առաջին գնահատողը մենք պիտի լինինք : Եթէ ոչ՝ վաղ թէ ուշ նա պէտք է անպայման իրականանայ : Անդրկովկասի փեղեքացիան կամ կոմիտէերացիան նման հիմունքների վրայ միայն բարձրանալ կարող է, եթէ ուզում ենք որ ամուր լինին այդ հիմերը :

Առաջադրուած մշակութային-ինքնավար եւ բոլոր պահանջները վերաբերում են ոչ միայն հայերին, այլ եւ թաթարներին, ռուսներին եւ Անդրկովկասի ուրիշ ազգութիւններին : Վրացիները, ճիշդ է, ամենից քիչ շահադրողուած են մշակութային ինքնավարութեան խնդրով, բայց նրանք չեն կարող, պէտք է որ անտես անեն միւսների կենսական շահերը :

